

Izveštaj o radu Uprave policije MUP-a kantona sarajevo za mjesec juni 2022. godine

KRIMINALITET

STATISTIČKI POKAZATELJI

Prema službenim evidencijama Uprave policije MUP-a Kantona Sarajevo u mjesecu junu 2022. godine, na području Kantona Sarajevo registrovano je 319 događaja sa obilježjem krivičnog djela (što je za 55 ili 14,7% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 156 ili 48,9% je evidentirano po poznatom izvršiocu, a 163 ili 51,1% po nepoznatom izvršiocu.

Od ukupno 163 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 51 ili 31,3% (što je za 20,4% više u odnosu na uporedni mjesec) od čega je 11 događaja evidentirano u mjesecu junu, a 40 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 137 obavijesti (136 manje) o događajima u kojima je pričinjena neznatna materijalna šteta

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU JUNU 2022./21. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
JUNI 2022. GODINE	319	156	163	51	40	199	6	116	80
JUNI 2021. GODINE	374	199	175	19	17	178	6	103	69
uporedba	-55	-43	-12	32	23	21	0	13	11
	-14,7%	-21,6%	-6,9%	168,4%	135,3%	11,8%	isto	12,6%	15,9%

U toku mjeseca juna ove godine prijavljeno je 199 lica (21 više), od kojih je 116 povratnika (13 više) (ili 58,3% od ukupnog broja prijavljenih lica), šest maloljetnika (isti broj), a 80 lica je lišeno slobode (11 više).

Za događaje sa obilježjem krivičnog djela, koji su evidentirani u mjesecu junu 2022. godine, prema izjavama oštećenih lica, nastupila je materijalna šteta u ukupnom iznosu od 440.262,86 KM i 7.900 €.

**TABELARNI PREGLED DOGAĐAJA SA OBILJEŽJEM KRIVIČNOG DJELA EVIDENTIRANIH U MJESECU JUNU 2022/21. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I BiH-a**

KZ FBiH-a i KZ BiH-a	JUNI 2022. GODINE	JUNI 2021. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	21	27	-6	-22,2%	14	7	4	57,1%
Protiv slobode i prava čovjeka i građanina	23	15	8	53,3%	20	3	1	33,3%
Protiv spolne slobode i morala	2	1	1	100%	2	0	0	---
Protiv braka, porodice i mladeži	29	21	8	38,1%	29	0	0	---
Protiv zdravlja ljudi	16	29	-13	-44,8%	16	0	0	---
Protiv privrede poslovanja i sigurnosti platn..	0	1	-1	---	0	0	0	---
Protiv imovine	179	201	-22	-10,9%	33	146	35	24%
Protiv okoliša	1	0	1	---	1	0	0	---
Protiv opće sigurnosti ljudi i imovine	13	13	0	0%	7	6	10	166,7%
Protiv sigurnosti javnog prometa	12	7	5	71,4%	12	0	0	---
Protiv pravosuđa	4	2	2	100%	3	1	0	0%
Protiv javnog reda i pravnog prometa	9	30	-21	-70%	9	0	1	---
Protiv podmićivanja i KD protiv službene ...	5	21	-16	-76,2%	5	0	0	---
Protiv sistema elektronske obrade podataka	0	2	-2	---	0	0	0	---
Protiv čovječnosti i vrijednosti zaštićenih međunarodnim pravom (KZBiH)	1	0	1	---	1	0	0	---
ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18)	4	4	0	0,0%	4	0	0	---
UKUPNO	319	374	-55	-14,7%	156	163	51	31,3%

U mjesecu junu 2022. godine u odnosu na isti mjesec prethodne godine, zabilježeno je smanjenje broja registrovanih događaja sa obilježjem krivičnog djela za 55 ili 14,7%. Najznačajnije smanjenje zabilježeno je u oblastima protiv imovine (za 22 događaja) i javnog reda i pravnog prometa (za 21 događaj), dok su povećanja evidentirana u oblastima protiv slobode i prava čovjeka i građanina (za osam), braka, porodice i mladeži (za osam), sigurnosti javnog prometa (za pet događaja), itd.

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom juna 2022. godine evidentiran je 21 događaj sa obilježjem krivičnog djela iz oblasti protiv života i tijela (šest manje u odnosu na mjesec juni 2021. godine) i to 14 po poznatom i sedam po nepoznatom izvršiocu. Evidentirani su slijedeći događaji:

- ubistvo u pokušaju (član 166. U vezi člana 28. KZ FBiH) – dva,
- teška tjelesna ozljeda (član 172. KZ FBiH) – tri,
- lahka tjelesna ozljeda (član 173. KZ FBiH) – 15 i
- ušestvovanje u tuči – jedan događaj događaja.

Nadležnom tužilaštvu podneseni su službeni izvještaji protiv 21 lica, od koji je 11 povratnika (ili 52,4%), a tri su lišena slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 23 događaja sa obilježjem krivičnog djela (osam više) i to ugrožavanje sigurnosti za čije su izvršenje prijavljena 23 lica, od kojih je 17 povratnika (ili 73,9%), a pet je lišeno slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu junu evidentirano je 29 događaja sa obilježjem krivičnog djela (osam više) i to nasilje u porodici - 28 i oduzimanje djeteta ili maloljetnika - jedan, za čije izvršenje je prijavljeno 30 lica, od kojih je 19 povratnika (ili 63,3%), a 19 lica je lišeno slobode.

PROTIV ZDRAVLJA LJUDI

Evidentirano je 16 događaja sa obilježjem krivičnog djela iz oblasti protiv zdravlja ljudi (13 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – četiri i
- posjedovanje i omogućavanje uživanja opojnih droga (čl. 239. KZ FBiH) – 12 događaja.

Nadležnom tužilaštvu podneseni su službeni izvještaji protiv 16 lica, među kojima je devet povratnika (ili 56,3%) i 11 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv četiri lica zbog postojanja osnova sumnje da su u proteklom periodu u više navrata kupovali opojnu drogu "Marihuana" i "Amfetamin", od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 12 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JUNU 2022/21. GODINE

VRSTA OPOJNE DROGE	juni 2022. godine	juni 2021. godine
Marihuana (paketići)	9	5
Marihuana (u gramima)	1.090,615	82,978
Heroin (u gramima)	----	30,163
Amfetamin (u gramima)	41,801	25,76
Extazy (tablete kom.)	1	33
Speed (komada)	6	---
Speed (u gramima)	0,918	---
pribor sa ostacima droge (komada)	4	9

PROTIV IMOVINE

U ovom mjesecu, evidentirano je 179 događaja sa obilježjem krivičnog djela protiv imovine (33 po poznatom i 146 po nepoznatom izvršiocu) što je za 22 ili 10,9% manje u odnosu na isti mjesec prošle godine. Iz ove oblasti evidentirani su slijedeći događaji sa obilježjem krivičnog djela:

- krađa (član 286. KZ FBiH) – 72 (šest više),
- teška krađa (član 287. KZ FBiH) – 66 (27 manje),
- oštećenje tuđe stvari (član 293. KZ FBiH) – 19 (četiri više),
- razbojništvo (član 289. KZ FBiH) – sedam (tri manje),

- prijevarena (član 294. KZ FBiH) – tri (dva manje), itd.

Nadležnom tužilaštvu podneseni su službeni izvještaji protiv 61. lica, od kojih je 37 povratnika (ili 60,6%), a 19 je lišeno slobode.

Od ukupno 146 događaja evidentiranih po nepoznatom izvršiocu iz oblasti protiv imovine **naknadno je rasvijetljeno 35 ili 24%** što je za **12,9% više** u odnosu na juni 2021. godine.

Tokom mjeseca juna ove godine, prema objektima izvršenja teških krađa, 30 je izvršeno u prodavnicama i drugim poslovnim prostorijama (sedam više), 18 u stambenim objektima (sedam manje), 11 u motornim vozilima (otuđenja motornih vozila i “provale” u ista) (11 manje), itd.

Takođe, evidentirana su četiri otuđenja motornih vozila, a šest je pronađeno i vraćeno vlasnicima, od čega su tri vozila ukradena u ranijem periodu. Od strane policijskih službenika Uprava policije MUP-a KS – vraćena su dva vozila, MUP-a RS-a – dva, MUP-a Srbije - jedno i vlasnici su pronašli jedno vozilo).

PREGLED BROJA OTUĐENIH I VRAĆENIH PUTNIČKIH MOTORNIM VOZILIMA NA PODRUČJU KANTONA SARAJEVO PO POLICIJSKIM UPRAVAMA U MJESECU JUNU 2022. GODINE

POLICIJSKA UPRAVA	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
broj otuđenih motornih vozila	2	1	1	0	0	0	0	0	4
broj vraćenih mv	1	2	3	0	0	0	0	0	6
% vraćenih mv	50%	200%	300%	---	---	---	---	---	150%

Broj otuđenih motornih vozila u odnosu na uporedni mjesec smanjen je za šest ili 60%.

PREGLED BROJA OTUĐENIH MOTORNIM VOZILIMA NA PODRUČJU KANTONA SARAJEVO PO POLICIJSKIM UPRAVAMA U MJESECU JUNU 2022/21. GODINE

POLICIJSKA UPRAVA	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
BROJ OTUĐENIH VOZILA – JUNI 2022. GODINE	2	1	1	0	0	0	0	0	4
BROJ OTUĐENIH VOZILA – JUNI 2021. GODINE	0	1	4	5	0	0	0	0	10
UPOREDBA JUNI 2022/21. GODINE	+, -	2	0	-3	-5	0	0	0	-6
	%	---	0%	-75%	---	---	---	---	-60%

Evidentirana su 72 događaja sa obilježjem krivičnog djela krađe (šest više) i to: na ulici – 30 puta, u poslovnim prostorima – 24, u stambenim objektima - devet, u vozilima i na stajalištima GRAS-a – tri, itd. odakle su otuđivani mobiteli, novčanici, prehrambeni proizvodi, bicikli, alati, itd.

Evidentirano je pet događaja sa obilježjem krivičnog djela teških krađa na naročito opasan ili naročito drzak način (tri manje), u kojima su izvršiocu, upotrebom fizičke snage (otimanjem i trganjem), otimali mobitele, novac i nakit i svi su evidentirani na ulici. Nadležnom tužilaštvu podnesen je službeni izvještaji protiv dva lica povratnika u činjenju krivičnih djela, koja su lišena slobode.

U mjesecu junu ove godine evidentirano je smanjenje događaja sa obilježjem krivičnog djela razbojništva (za tri događaja ili 30%). Registrovano je sedam razbojništava (pet po nepoznatom i dva po poznatom izvršiocu) i to na području slijedećih policijskih uprava: PU Novi Grad - četiri (dva više), PU Novo Sarajevo – jedan (jedan manje), PU Ilidža – jedan (dva manje) i Uprava policije u sjedištu – jedan događaj (nije bilo događaja u uporednom mjesecu).

Razbojništva su izvršena prijetnjom upotrebe vatrenog oružja - jednom, prijetnjom upotrebe noža ili drugog oštrog predmeta – četiri i upotrebom fizičke snage – dva puta, a počinjena su na ulici i u prodavnicama – po tri i u sportskoj kladionici – jednom. Otudivani su mobiteli, novac i jedno vozilo.

Nadležnom tužilaštvu podneseni su službeni izvještaji protiv 12 lica, među kojima je sedam povratnika (ili 58,3%), četiri lica su maloljetnici i sedam je lišeno slobode. U izvještajnom mjesecu naknadno je rasvijetljeno sedam događaja evidentiranih po nepoznatom izvršiocu u ranijem periodu.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 13 događaja (isto) i to: - izazivanje opće opasnosti – 11 i nesavjesno čuvanje pasa i drugih opasnih životinja – dva događaja, a nadležnom tužilaštvu podneseni službeni izvještaji protiv 14 lica, od kojih je 13 povratnika (ili 92,8%) i deset je lišeno slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru – devet puta, u stanu i u prostorijama suda – po jednom pri čemu je u četiri slučaja aktivirana nepoznata eksplozivna naprava, pet puta je otvorenim plamenom izazvan požar, u jednom slučaju je upotrijebljeno vatreno oružje i u jednom slučaju se radilo o lažnoj dojavi o postavljenoj eksplozivnoj napravi u prostorijama suda. Posljedice su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je devet događaja sa obilježjem krivičnog djela (21 manje)¹ i to: nasilničko ponašanje i krivotvorenje isprave – po četiri i sprječavanje službene osobe u vršenju službene radnje – jedan događaj.

Nadležnom tužilaštvu podneseni su službeni izvještaji protiv 12 lica od kojih je pet povratnika (ili 41,7%).

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu junu 2022. godine evidentirano je devet događaja sa obilježjem krivičnog djela, u kojima je učestvovalo šest maloljetnih lica. U odnosu na isti mjesec 2021. godine broj događaja sa obilježjem krivičnog djela povećan je za dva ili 28,5%, a broj maloljetnih lica ostao je isti. Prijavljeni maloljetnici su u dobi od 14 do 16 godina - četiri, od 16 do 18 godina - dva, a dva su povratnika u izvršenju događaja sa obilježjem krivičnog djela.

1

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU JUNU 2022/2021. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
JUNI 2022. GODINE	9	6
JUNI 2021. GODINE	7	6
uporedba	+2 ili 28,5%	isti broj

Događaji sa obilježjem krivičnog djela u kojima su učestvovala maloljetna lica, evidentirani su:

- PU Ilidža – četiri događaja (lahka tjelesna ozljeda – dva, teška tjelesna ozljeda, oštećenje tuđe stvari – po jedan događaj),
- PU Centar – tri događaja (razbojništvo),
- PU Novo Sarajevo – jedan događaj (razbojništvo) i
- Uprava Policije u sjedištu – jedan događaj (razbojništvo).

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU JUNI 2022/2021. GODINE

Naziv krivičnog djela	juni 2022.	juni 2021.
<i>Teška tjelesna ozljeda</i>	1	1
<i>Lahka tjelesna ozljeda</i>	2	---
<i>Spolni odnošaj s djetetom</i>	---	1
<i>Posjedovanje i omogućavanje uživanja opojnih droga</i>	---	1
<i>Teška krađa u pokušaju</i>	---	1
<i>Razbojništvo</i>	5	---
<i>Razbojništvo u pokušaju</i>	---	1
<i>Oštećenje tuđe stvari</i>	1	---
<i>Nasilničko ponašanje</i>	---	1
ZONDINOIM	---	1
ukupno	9	7

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca juna 2022. godine na području Kantona Sarajevo evidentirana su tri događaja aktiviranja minsko-eksplozivnih sredstava (dva u mjesecu junu 2021. godine) usljed čega je nastupila materijalna šteta. U dva slučaja identifikovani su učinioci i protiv istih su preduzete zakonske mjere.

Na području Kantona Sarajevo evidentirane su 32 anonimne dojava o postavljenoj eksplozivnoj napravi (nije bilo u junu 2021. godine), a odnosile su se na Policijske stanice Uprave policije MUP-a Kantona Sarajevo i zgradu Kantonalnog i Vrhovnog suda. Nakon KDZ pregleda utvrđeno je da su dojavae bile lažne. Identifikovan je jedan učinilac i protiv istog preduzete su zakonske mjere. Preduzimaju se aktivnosti na rasvjetljavanju ostalih događaja i pronalaženju učinilaca.

POŽARI

Tokom mjeseca juna 2022. godine, na području Kantona Sarajevo registrovano je devet požara (osam manje u odnosu na isti mjesec prethodne godine), u kojima su dva lica lakše povrijeđena. Požari su registrovani na području općina: Ilidža - četiri, Stari Grad - dva, Novi Grad - dva i Hadžići - jedan požar. Prema statističkim pokazateljima, dva požara su izazvana namjerno, dva nehatom, dok uzroci pet požara spadaju u kategoriju ostalih.

Požari su registrovani u:

- Stambenom objektu - četiri,
- Saobraćajnom sredstvu - jednom,
- Pomoćnom objektu - jednom,
- Proizvodnom objektu - jednom,
- Ostalim objektima - dva puta.

Zbog izazivanja požara nadležnom tužilaštvu podneseno je pet službenih izvještaja iz člana 323 KZ FBiH (izazivanje opće opasnosti).

SAMOUBISTVA

U mjesecu junu 2022. godine na području Kantona Sarajevo registrovana su tri samoubistva (dva manje u odnosu na isti mjesec prošle godine) koja su izvršena vješanjem.

Izvršioци su dvije osobe muškog i jedna osoba ženskog spola. Muškarci su starosne dobi: 70 i 86 godina, dok je osoba ženskog spola starosne dobi 37 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzete su tri puške, devet pištolja, tri noža i 247 komada municije raznog kalibra.

Tokom mjeseca juna ove godine fizičkim licima izdato je 189 odobrenje za nabavku vatrenog oružja i 133 oružna lista.

JAVNI RED I MIR

U toku mjeseca juna 2022. godine u oblasti protiv javnog reda i mira evidentirana su 543 prekršaja (201 ili 58,8% više u odnosu na isti mjesec 2021. godine), za čije izvršenje su prijavljena 573 lica (219 ili 61,9% više), od čega je 149 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 435 naloga i podneseno je 108 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 488 prekršaja (ili 89,9%), a na prekršaje koji su utvrđeni Odlukom općinskih vijeća o javnom redu i miru 55 (ili 10,1%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (254), između 26 i 35 godina (200), između 19 i 25 godina (116) i do 18 godina (tri).

Prilikom narušavanja javnog reda i mira u mjesecu junu 2022. godine, nije bilo teže povrijeđenih lica (isto kao u junu 2021. godine), dok je 14 lica (u junu 2021. godine nije bilo) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC JUNI 2022/2021.GODINA

PREKRŠAJI IZ ZAKONA O JRIM:	JUNI 2022.	JUNI 2021.	+ - %
<i>-Tuče</i>	27	24	+3 ili 12,5%
<i>-Naročito drsko ponašanje</i>	56	52	+4 ili 7,7%
<i>-Odbijanje naređenja i omalovaž. pol. služb.</i>	27	21	+6 ili 28,6%
<i>-Neovlaštena upotreba oružja</i>	---	1	-1
<i>-Paljenje petardi</i>	---	---	---
<i>-Prosjačenje</i>	260	112	+148 ili 132,1%
<i>-Svađa, vika, nepristojno ponašanje</i>	15	16	-1 ili 6,25%
<i>-Uživanje opojne droge na javnom mjestu</i>	13	8	+5 ili 62,5%
<i>-Ostali prekršaji iz Zakona o JRiM</i>	90	54	+36 ili 66,7%
Prekršaji prema Odluci općinskog vijeća o JRiM	55	54	+1 ili 1,8%
ukupno	543	342	+201 ili 58,8%

Tokom mjeseca juna 2022. godine, u odnosu na juni 2021. godine, prema strukturi prekršaja povećan je broj sljedećih prekršaja:

- prosjačenje za 148 ili 132,1%,
- ostali prekršaji iz Zakona o JRiM za 36 ili 66,7%,
- odbijanje naređenja i omalovažavanje policijskih službenika za šest ili 28,6%,
- uživanje opojne droge na javnom mjestu za pet ili 62,5%,
- naročito drsko ponašanje za četiri ili 7,7%,
- tuče za tri ili 12,5% i
- prekršaji koji su regulisani Odlukom općinskih vijeća za jedan ili 1,8%;

dok je smanjen broj sljedećih prekršaja:

- svađa, vika, nepristojno ponašanje za jedan ili 6,25% i
- neovlaštena upotreba oružja za jedan prekršaj.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (513 ili 94,5% od ukupnog broja), a znatno manje u školama i školskim dvorištima – osam, ugostiteljskim objektima - dva, u vozilima javnog saobraćaja – jedan, dok je na ostalim mjestima evidentirano 19 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
PREMA MJESTU IZVRŠENJA ZA MJESEC JUNI 2022/2021. GODINE

MJESTO IZVRŠENJA	JUNI 2022.	JUNI 2021.	+ - %
Ugostiteljski objekti	2	8	-6 ili 75%
Ulice i drugi otvoreni prostori	513	324	+189 ili 58,3%
Vozila javnog saobraćaja	1	---	+1
Sportski stadioni i dvorane	---	---	---
Škole i školska dvorišta	8	---	+8
Trgovine i zanatske radnje	---	---	---
Ostala mjesta	19	10	+9 ili 90%
UKUPNO	543	342	+201 ili 58,8%

U odnosu na isti mjesec 2021. godine, povećan je broj prekršaja evidentiranih na ulici i drugim otvorenim prostorima, na ostalim mjestima, u školama i školskim dvorištima i u vozilima javnog saobraćaja, dok je broj prekršaja u ugostiteljskim objektima smanjen.

Na području Kantona Sarajevo u mjesecu junu 2022. godine održano je 267 javnih skupova (81 ili 43,5% više u odnosu na mjesec juni 2021. godine). Policijski službenici Uprave policije proveli su planske aktivnosti za bezbjedno održavanje javnih skupova i izvršili 42 KDZ osiguranja.

SAOBRAĆAJ

Na području Kantona Sarajevo u mjesecu junu 2022. godine registrovane su 643 saobraćajne nezgode (64 ili 11 % više), od čega su 553 sa materijalnom štetom (48 ili 9,5 % više) i 90 sa nastradalim licima (16 ili 21,6 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU JUNU 2022./21. GODINE

	juni 2022.	juni 2021.	uporedba
UKUPNO SAOBRAĆAJNIH NEZGODA	643	579	+ 64 ili 11 %
Saobraćajne nezgode sa nastradalim licima	90	74	+ 16 ili 21,6 %
Saobraćajne nezgode sa materijalnom štetom	553	505	+ 48 ili 9,5 %
POGINULO LICA	1	0	+ 1
- vozači	0	0	-----
-putnici	0	0	-----
- pješaci	1	0	+ 1
POVRIJEĐENO LICA	110	92	+ 18 ili 19,6 %
- vozači	66	57	+ 9 ili 15,8 %
- putnici	28	22	+ 6 ili 27,3 %
- pješaci	16	13	+ 3 ili 23,1 %

U naselju je registrovano 596 saobraćajnih nezgoda (jedna sa poginulim, 82. sa povrijeđenim licima i 513 sa materijalnom štetom), van naselja 47 nezgoda (sedam sa povrijeđenim licima i 40 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU JUNU 2022. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	13	69	513	596	1	14	89
van naselja			7	40	47			7
UKUPNO	1	13	76	553	643	1	14	96

Prema kategoriji puta, najveći broj saobraćajnih nezgoda registrovan je:

- na ulicama u naselju - 325 nezgoda u kojima je 69 lica nastradalo (jedno lice poginulo, 68 lica povrijeđeno, 12 teže i 56 lakše),
- na magistralnim putevima - 57 nezgoda u kojima je 15 lica povrijeđeno (dvoje teže i 13 lakše),
- na lokalnim putevima - 89 (13 lica lakše povrijeđeno),
- na regionalnim putevima - 23 (četiri lica lakše povrijeđena),
- na putevima koji se ubrajaju u kategoriju ostalih - 149 nezgoda u kojima je 10 lica lakše povrijeđeno.
-

POSLJEDICE SAOBRAĆAJNIH NEZGODA

Tokom mjeseca juna 2022. godine, u saobraćajnim nezgodama na području Kantona Sarajevo 111 lica je nastradalo (19 ili 20,6 % više). Jedno lice je poginulo (u istom mjesecu prošle godine nije bilo poginulih lica), dok je 110 lica povrijeđeno (18 ili 19,6 % više), od čega 14 teže (tri ili 17,6 % manje) i 96 lakše (21 ili 28 % više).

LICA POVRIJEĐENA U SAOBRAĆAJNIM NEZGODAMA

Od ukupno 110 povrijeđenih lica u mjesecu junu 2022. godine, evidentirano je: 66 vozača (tri teže i 63 lakše), 28 putnika (tri teže i 25 lakše) i 16 pješaka (osam teže i osam lakše).

Starosna struktura nastradalih lica u saobraćajnim nezgodama je slijedeća:

- ispod šest godina - jedno lice,
- od 6 do 17 godina - šest,
- od 18 do 24 godine - 14,
- od 25 do 30 godina - 23,
- od 31 do 40 godina - 24,
- od 40 do 50 godina - 18,
- od 51 do 65 godina - 13,
- 66 i više godina - 11,
- Nepoznata strosna dob - jedno lice

Starosna struktura nastradalih vozača u saobraćajnim nezgodama je slijedeća:

- od 18 do 23 godine - sedam lica,
- od 23 do 30 godina - 16,
- od 30 do 40 godina - 19,
- od 40 do 50 godina - 14,
- od 50 do 60 godina - pet,
- 60 i više godina četiri,
- Nepoznata starosna dob - jedno lice.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 90 (29 lica lakše povrijeđeno),
- uticaj alkohola - jednom (jedno lice lakše povrijeđeno),
- ostali uzroci - 552 (jedno lice poginulo, 80 lica povrijeđeno, 14 teže i 66 lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca juna 2022. godine, policijski službenici Uprave policije MUP-a Kantona Sarajevo kontrolisali su:

- 17.598 vozila i vozača (1.931 više),
- 9.012 lica u vozilima (5.495 više),
- pregledali 448 vozila (73 više) i 454 lica u vozilima (55 više).

Zbog tehničke neispravnosti iz saobraćaja je isključeno 50 vozila (28 više), 289 vozača je zatečeno da upravljaju vozilom pod dejstvom alkohola (52 više), 567 lica bez korištenja sigurnosnog pojasa (132 više), 171 vozač bez položenog vozačkog ispita (tri više), 54 vozača pod izrečenom zaštitnom mjerom (sedam više), 398 vozača je zatečeno da koriste mobitel tokom vožnje (osam više) i 220 vozila koja su učestvovala u saobraćaju bez važeće registracije (17 manje).

Zbog kršenja propisa iz oblasti sigurnosti saobraćaja uručena su 17.042 prekršajna naloga vozačima (1.397 ili 8,9 % više u odnosu na mjesec juni prošle godine) i podnesena 183 zahtjeva za pokretanje prekršajnog postupka (69 ili 60,5 % više).

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca juna 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 9.317 prekršajnih naloga (2.108 više), upozoreno je 236 vozača (36 manje), a specijalnim vozilom "pauk" premješteno je 126 vozila (37 više).

Takođe, pješacima koji su kršili propise uručena su 154 prekršajna naloga (23 manje), a upozoreno je 20 pješaka (10 manje).

ZAKONITOST U RADU

Tokom mjeseca juna 2022. godine, registrovan je jedan napad na policijskog službenika Uprave policije MUP-a Kantona Sarajevo.

Takođe, u mjesecu junu 2022. godine registrovana su dva slučaja opravdane upotrebe sile.

Razmatrano je 37 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 12 predstavki (tri manje) provede unutrašnja istraga, za 23 predstavke je odlučeno da se izvrše provjere i prikupi dokumentacija, za jednu predstavku da je neosnovana, dok je jedna predstavka pripojena postojećem spisu.

Od 37 razmatranih predstavki, 23 su podnesene od strane građana, dok 14 predstavki predstavljaju saznanja iz službe.

Okončano je pet unutrašnjih istraga, od čega su tri bile bez dovoljno dokaza, u jednom slučaju stranka je odustala od žalbe, dok je u jednom slučaju postupak obustavljen.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policijski službenici Odjeljenja za prevenciju maloljetničkog prijestupništva, nasilja u porodici i Rada policije u zajednici u sklopu Ureda policijskog komesara su provodili aktivnosti u oblasti prevencije, koordinacije rada s vladinim i nevladinim organizacijama, implementacije javnih kampanja u cilju podizanja svijesti građana o različitim oblicima društveno neprihvatljivog ponašanja, kao i jačanja partnerskog odnosa između lokalne zajednice i policije.

Tokom mjeseca juna tekuće godine, realizovane su, između ostalih, slijedeće aktivnosti:

- Održavane su edukativne radionice u osnovnim i srednjim školama i organizovane aktivnosti posjeta djece iz predškolskih ustanova policijskim stanicama u cilju promovisanaja zanimanja

„policajac“. Teme edukativnih radionica su bile: „Oružje ne štiti, oružje ubija“, „Stop međuvršnjačkom nasilju“, „Policajac moj prijatelj“ i dr.,

- Nastavljena je realizacija projekta „Program socijalizacije s pravom“ i završena realizacija programa prevencije iz oblasti trgovine ljudima, koja će biti nastavljena početkom slijedeće školske godine,
- Organizovan pojačan obilazak autobuskih, tramvajskih i trolejbuskih stajališta, s ciljem prevencije izvršenja krivičnih djela i narušavanja javnog reda i mira,
- Policajci u zajednici Uprave policije MUP-a Kantona Sarajevo su vodili evidenciju za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršili obilazak i ostavirivali kontakt sa žrtvama nasilja kao i sa nasilnikom, da bi osigurali poštivanje izrečenih zaštitnih mjera, veći stepen sigurnosti žrtve kao i preventivno djelovanje na eventualno ponavljanje nasilja,
- Ostvarivani kontakti sa predstavnicima osnovnih i srednjih škola u Kantonu Sarajevo, s ciljem preventivnog djelovanja na različite neprihvatljive pojave u i oko školskih prostora,
- Ostvarivani kontakti sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela,
- Ostvarivani kontakti sa sekretarima i članovima Savjeta mjesnih zajednica, u cilju unapređenja osjećaja sigurnosti i jačanja povjerenja građana u rad policije.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 1.550 (173 ili 10% manje u odnosu na juni 2021. godine).

U mjesecu junu 2022. godine migranti su učestovali u pet događaja sa obilježjem krivičnog djela (osam ili 61,5% manje) i to:

- Ubistvo u pokušaju (čl. 166/28 KZ FBiH) – jedan događaj,
- Krađa (član 286. KZFBiH-a) – jedan,
- Teška krađa na naročito opasan ili naročito drzak način (čl. 287 stav (1) tačka b) KZ FBiH) – jedan,
- Razbojnička krađa (čl. 288 KZ FBiH) – jedan i
- ZONDINOIM (Zakon o nabavljanju, držanju i nošenju oružja i municije Kantona Sarajevo) – jedan događaj.

Tokom mjeseca juna 2022. godine, službenici policije proveli su ukupno pet akcija, kontrolisali su 42 migranta, od čega 17 nije posjedovao registracijski obrazac, dva su predata službi za poslove sa strancima radi registracije i 18 migranata je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC JUNI 2022. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.550
UKUPAN BROJ KONTROLISANIH MIGRANATA	42
BROJ MIGRANATA LIŠENIH SLOBODE	3
BROJ KRIVIČNIH DJELA POČINJENIH OD STRANE MIGRANATA	5
BROJ PREKRŠAJA POČINJENIH OD STRANE MIGRANATA	1
BROJ INCIDENATA POČINJENIH OD STRANE MIGRANATA	6
BROJ MIGRANATA KOJI SU VRAĆENI IZ SUSJEDNIH DRŽAVA	0

BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	5
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	18

Sarajevo, 14.07.2022. godine

Odjeljenje za odnose s javnošću